



UNIVERSITÄTS-
BIBLIOTHEK
PADERBORN

Universitätsbibliothek Paderborn

Petri Danielis Huetii Demonstratio Evangelica

Huet, Pierre Daniel

Parisiis, 1679

Admonitio ad Lectorem.

urn:nbn:de:hbz:466:1-16260

ADMONITIO AD LECTOREM.

ANNI sunt circiter quindecim, CANDIDE LECTOR, cum Demonstrationis hujus designationem & apparatusum animo primum informari. Quæ cum mihi ad sanctæ nostræ Religionis tuendam veritatem, ejusque convincendos adversarios utilis imprimis videretur & efficax, de ea inter amicos, cum quibus cogitata mea & consilia libenter communicare soleo, quotiescunque se tulisset occasio, facile differebam. Nondum autem existimaveram futurum, ut à me aliquando traderetur scriptis, & publici juris fieret. Verum ita res se dedit, ut quod privatim fueram commentatus per otium, id mihi multis difficultatibus & angustiis districto in literas esset alieno tempore referendum. Quantacunque vero adhibita est à me diligentia, res tamen abiit in diem, & aliis porro aliisque institutum interpellantibus negotiis, in aliquot annos protracta est. Moram deinde nostram excepit segetitia Typographorum, quorum sub prælis totos hosce viginti menses Liber hic misere vexatus est. Hinc factum porro, ut ad multos manarit suscepti operis fama; nec opus duntaxat ipsam, sed modus etiam & ratio; nec ipsa solum rerum fastigia, sed membra quoque & partes sue rini pervulgata. Ventitabant itaque complures ad me, Propositionumque mearum causas & argumenta querebant. Respondebam ego candide ad singula, ineptum ratus ea dissimulare velle, quæ propediem ventura essent in lucem, & jam è manibus exiissent meis; quæque ne tum quidem celassem, cum in mea potestate essent. Huc accessit, quod in patiente Typographeo folia, non curiosis solum oculis lustrari, sed perlegi etiam, fortasse & faventibus operis, quod nimis saepe fit, suppleri potuerint. Quid multa? adeo demum res rediit, ut scriptiois nostræ præcipua quedam capita occuparint viri docti, neque indigna censuerint, quæ operibus suis intexerentur. Prodiernnt ergo libelli aliquot, in quibus cum me meaque agnovissent amici, rem ad me non sine stomacho retulerunt. Ego vero letari contra, & felicem nostræ laboris exitum jam inde augurari. Nam cum in maximo omnium versatus essem argumento, in quo offendere promptum esset; labi, grave & periculosum, plurimæque nova ad hanc diem & indicta proposuissem, vehementer equidem judicium hominum reformidabam. Nunc vero non mediocrem mihi fateor accessisse confidentiam, postquam intellexi cogitationes hæc nostras & sententias ita jam probari eruditissimis hominibus, ut eas etiam, ne interpolatas quidem, sed totidem repensas verbis, in se transferrent, palamque adoptarent; & ex iis, in angustum licet à se contractis, & exanguibus ac exuccis, aliquem ad vulgus fructum, aliquam ad se laudem spervent esse perventuram. Vale.



DEMONSTRATIO